

南華真經註疏自序

復圭子曰道德經爲三教之祖

太上憫人不悟性命之學無傳不得不化身作南華以洩其秘
凡爲寓言猶詩之比體教人全性保命也重言亦借重於古人
而欲人信彼保全性命之說也卮言千變萬化贈炙其詞使人
悅於口因悅於心而索彼立言之正意自欲跳出世網而遊神
於性命之域也其津筏後學者可謂至矣南華之註始於郭象
繼之向秀終於焦猗園之老莊翼百有餘家尙隔山萬重卽聰
明如李青蓮讀南華而賦鯤鵬且認虛爲實其詞愈縱恣而背
真意愈遠無怪世儒指鸞鳳爲山雞視神龍爲妖幻也竊思易
道藏輯要

南華真經一
序

三

牛集九
X上

之所謂老夫得其女妻如枯楊生稊也妙法蓮花經佛受龍女
之獻珠寶也維摩經云不入煩惱大海則不能得一切智寶也
雲巖禪師云百花叢內過一葉不黏身卽丹經取坎填離之旨
其有不合也有不同也入門煉己之異也易之所謂殊途也其
無不合也無不同也成功究竟之一也易之所謂殊途而同歸
也佛祖云我娘生我我還先仙師云先有吾身後有天漆園先
生之作南華蓋身在天地之先也予今之註疏南華敢云身在
天地之先特知九天九地積氣積塊之所以然耳或問何物爲
生天地予曰混沌以前不惟無天地且無五行獨有一乾金耳
此金有氣無質乃造化之根也故能生天地因而生水爲五行

之始仙家之金丹釋氏之金剛不過竊先天之乾金耳學者須知金水爲凡鉛水中金爲真鉛但得有真鉛以制木火之飛騰何愁無真汞以制金水之沈重故鉛汞交而內丹結矣然則搬運一身之鉛汞者不知靜裏孤修氣轉枯也偏倚採取之術者不知真空不空真色不色也既聞大道之人當訪外護覓雲朋尋福地三者缺一必爲羣魔作障緣若果三千八百功行與天齊自然有鼎烹龍虎矣予先人程兩峯翁酷好讀南華每有超見因予過庭而輒以垂訓予曷敢忘焉昔人謂南華爲道德之註疏予今本道德而註疏南華真醉者之初醒而夢者之忽覺乎予之不敢秘而以註疏授劖氏也其不敢獨醒而欲與天下共醒不敢獨覺而欲與天下共覺乎倘太上與南華仙翁嘉予註疏之勞早爲予作外護侶伴之合則赴龍沙之會爲有期異日召予以供呼鸞駕鶴之役未可知也然而不敢必也則予作註疏之心也夫

道藏輯要

南華真經一
序

四

牛集九
川乃又

海陽程以甯薰沐拜撰